

## LEIÐBEININGAR

**um notkun og útfyllingu einfaldaðrar tollskýrslu E-1.3 vegna vara  
sem njóta sérstakra tollfríðinda við innflutning**

Nota má eyðublað E-1.3 til einfaldaðrar tollskyrlugerðar vegna tollmeðferðar á vörum sem fluttar eru til landsins á farmskrá og undanþegnar eru öllum opinberum gjöldum við innflutning og fjallað er um í 47. gr. reglugerðar nr. [1100/2006](#) um vörslu og tollmeðferð vöru, sbr. 4., 6. og 7. gr. tollalaga nr. [88/2005](#).

Heimild þessi er þó bundin við þær tollfríðindavörur sem gerð er grein fyrir í fylgiskjali I með þessum leiðbeiningum og tollflokka ber eins og þar er lýst. Um nánari skilyrði og fyrirmæli um undanþágu frá greiðslu aðflutningsgjalda af nefndum vörum víast m.a. til reglugerðar nr. [630/2008](#), um ýmis tollfríðindi, sbr. reglugerð nr. [634/2008](#) um breytingu á henni.

Ef í sömu vörusendingu eru vörur sem flokkast geta undir tvö eða fleiri tollnúmer í fylgiskjali I skal tilgreina öll tollnúmerin.

Ef í sömu vörusendingu eru tollskyldar vörur (t.d. áfengi) eða vörur sem um gilda innflutningstakmarkanir eða eru skráningarskyldar skal fylla tollskýrslu út með venjulegum hætti á eyðublaði E-1.1. Skal þar jafnframt gerð grein fyrir þeim vörum sem njóta tollfríðinda samkvæmt framansögðu með því að tilgreina sérstakt tollnúmer sem nota á fyrir slíkar vörur og er að finna í fylgiskjali I.

Heimilt er þó að nota eyðublað E-1.3 til einfaldari tollskýrslugerðar fyrir tollfrjálsar búslóðir þótt í þeim sé sjónvarpstæki, símtæki, skotvopn o.þ.h., enda liggi þá fyrir leyfi viðkomandi stofnunar.

Þeim, sem leyfi hafa til SMT- eða VEF-tollafgreiðslu, er heimilt að senda upplýsingar úr einfölduðum tollskýrslum með rafrænum hætti.

Við tollafreiðslu skulu liggja fyrir, auk tollskýrslu, farmbréf og önnur skjöl eða gögn sem um ræðir í fylgiskjali I varðandi einstök tollnúmer eða kveðið er á um í lögum eða reglum settum samkvæmt þeim.

Þegar einfaldaðri tollskýrslu er skilað á eyðublaði E-1.3 skal eingöngu fylla út eftirfarandi reiti skýrslunnar og veita þær lágmarksþplýsingar sem þar eru tilgreindar:

## Útfylling reita eyðublaðs E-1.3

Skylt er að fylla út neðangreinda reiti einfaldaðrar tollskýrslu E-1.3:

## REITUR 1 – SKÝRSLA

Þegar notuð er einfölduð tollskýrsla við tollafgreiðslu skal eingöngu færið inn í annan hluta reitsins afgreiðslumáta sendingar samkvæmt eftirfarandi lykli:

Lykill

Tollafgreiðslumáti

**ET** SMT- eða VEF-tollafgreiðsla.

**AL** Innflutningur sem ekki er gerð grein fyrir með SMT- eða VEF-tollskýrslu en innflytjandi kýs að leggja fram tollskýrslu á pappír.

**AL** Endurinnflutningur (tollnúmer 9803.2000).

**ET**

Vara sem kemur til landsins í umflutningi (tollnúmer **9815**). HS  
Hraðsendigar í flugi.

*Gerð svæðis: (a2)  
SAD (1)*

## **REITUR 2 – ÁRITUN PRÓKÚRUHAFNA (ábyrgðaryfirlýsing)**

Skýrslan skal undirrituð af innflytjanda eða þeim sem kemur fram fyrir hönd innflytjanda (prókúruhafa, starfsmanni, miðlara eða öðrum sem hefur sérstaka heimild til að gefa skýrslu fyrir hönd innflytjanda og skilað hefur inn til skattsins umboði á sérstöku eyðublaði, E-23).

Sá sem sendir SMT- eða VEF-tollskýrslu eða skrifar undir tollskýrslu ábyrgist að upplýsingar sem gefnar eru í skýrslunni séu réttar með tilliti til vörusendingarinnar og þeirra skjala eða gagna sem lögð eru fram eða aðgangur er veittur að og gætt hafi verið fyrirmæla laga og annarra reglna sem gilda um innflutninginn. Skrá skal kennitölu þess sem undirritar skýrslu fyrir neðan undirskrift. Umbjóðendur geta skapað sér hlutlæga ábyrgð vegna undirritunar annarra fyrir þeirra hönd.

*SAD (54)*

## **REITUR 3 – DAGSETNING SKÝRSLU**

Færið hér inn dag, mánuð og ár.

*SAD (54)*

## **REITUR 5 – VY-LYKILL (VIÐSKIPTAVERÐ)**

Færið inn eftirfarandi lykil fyrir viðkomandi verðákvörðunarreglu:

<b>Lykill</b>	<b>Verðákvörðunarregla</b>
7	Án tollverðmætis vegna tollfrelsис.

## **REITUR 6 – INNFLYTJANDI (ef umboðsaðili er skráður í reit 10)**

Færið hér inn nafn innflytjanda ef umboðsaðili kemur fram fyrir hönd hans gagnvart skattinum vegna tollafgreiðslu á vöru.

Ef innflytjandi sér sjálfur um skýrslugerðina skal þessi reitur ekki fylltur út en viðeigandi upplýsingar færðar í reit 10.

*SAD (8)*

## **REITUR 7 – KENNITALA**

Ávallt skal færa hér inn kennitölu þá sem Hagstofa Íslands hefur gefið innflytjanda, sbr. reit 10, einnig þegar umboðsaðili sér um tollskýrslugerðina, s.s. tollmiðlari. Hafi innflytjanda ekki verið úthlutað kennitölu af Hagstofunni skal færa hér inn **000000-0000**.

*Gerð svæðis: (a10)  
SAD (8)*

**REITUR 8 – VIÐSKIPTALAND**

Færið hér inn lykil hlutaðeigandi sendingarlands í samræmi við yfirlit um lykla sem nota ber við tollskýrslugerð, sbr. [Tollskrálykla](#).

*Gerð svæðis: (a2)  
SAD (11)*

**REITUR 9 – SENDINGARNÚMER**

Færið hér inn sendingarnúmer sem farmflytjandi eða póstrekandi gefur sendingu og fram kemur á flutningsgjaldsreikningi eða tilkynningu farmflytjanda eða póstrekanda, sbr. 7. gr. reglugerðar nr. 11/2006 um vörlu og tollmeðferð vöru.

*Gerð svæðis:  
Sendingarnúmer(a18)  
SAD (18)*

**REITUR 10 – INNFLYTJANDI EÐA UMBOÐSMADUR**

Ef innflytjandi sér um skýrslugerðina skal hann færa hér inn fullt nafn, símanúmer, heimilisfang og póstnúmer. Sjái umboðsaðili hins vegar um skýrslugerðina og komi fram fyrir hönd innflytjanda skal umboðsaðili færa hér inn fullt nafn sitt, kennitölu, heimilisfang, póstnúmer og símanúmer.

*Gerð svæðis:  
Kennitala (a10) og virðisaukaskattsnúmer (a5)  
SAD (14)*

**REITUR 11 – FARMSKRÁRNÚMER/VIÐTÖKUNÚMER**

Færið inn í fremri hluta reitsins farmskrárnúmer sem farmflytjandi hefur gefið viðkomandi sendingu á farmbréfi eða flugfylgibréfi (í flugi flugfarmbréfsnúmer (AWB- number)).

Ef um póstsendingu er að ræða skal skrá á aðflutningsskýrslu sjö öftustu stafina í komunúmeri sem kemur fram í komutilkynningu pósthúss.

*Gerð svæðis:  
Skipaflutningar (a4), flugfrakt (a11) og póstsendingar (a7)  
SAD (21)*

**REITUR 12 – PYNGD BRÚTTÓ (kg)**

Færið inn í heilum kílógrömmum brúttóþyngd varanna. Brúttóþyngd í þessu sambandi er heildarþyngd varanna með öllum umbúðum sínum að frátöldum gánum og öðrum flutningsbúnaði.

*Gerð svæðis: (n..9)*

**REITUR 13 – VÖRUGEYMSLA**

Hér skal tilgreina nákvæmlega hvar varan er geymd til þess að ganga megi að henni og skoða vegna tollefirlits.

Ef um póstsendingu er að ræða skal skrá hér P og svo lykil fars í komunúmeri, sem um leið tákna tollafreiðslupósthús.

*Gerð svæðis: (a..10)  
SAD (30)*

#### **REITUR 14 – SKÍRTEINI, LEYFI OG VOTTORD (teg. og nr.)**

Í þennan reit skal færa inn upplýsingar um fylgiskjöl með skýrslunni, t.d. leyfi Fjarskiptastofnunar ef í búslóð er símtæki sem er ekki CE merkt.

Upplýsingar um leyfi, vottorð og undanþáguheimildir vegna innflutningstakmarkana skal gefa til kynna með því að færa hér inn viðkomandi [tollskrálykil](#). Sé skýrsla gerð í umboði innflytjanda skal einnig tilgreina umboð sem fylgja þarf á sérstökueyðublaði, E-23.

*Gerð svæðis:  
Lykill (a3)  
Tilvisun með lykli(a..7)  
SAD (44)*

#### **REITUR 17 – MYNT**

Færið hér inn myntlykilinn **ISK**.

*Gerð svæðis: (a3)  
SAD (22)*

#### **REITUR 19 – AFHENDINGARSKILMÁLAR**

Færið inn í fremri hluta reitsins eftirfarandi lykil:

##### **Lykill**

**FOC**              Vara send án kröfu um greiðslu.

Í aftari hluta reitsins skal ávallt tilgreina afhendingarstað vöru (t.d. Reykjavík).

*Gerð svæðis:  
Lykill afhendingarskilmála (a3)  
Viðmiðunarstaður(a..15)  
SAD (20)*

#### **REITUR 22 – FOB-VERÐ Í ERLENDRI MYNT**

Í þennan reit skal ávallt skrá **0**.

*Gerð svæðis: (n..11,2)  
SAD (46)*

#### **REITUR 24 – FLUTNINGSGJALD**

Í fremri hluta reitsins skal skrá lykilinn **ISK**. Ekki þarf að fylla út síðari hluta reitsins.

*Gerð svæðis:  
Mynt (a3) og fjárhæð(n..11,2)  
SAD (28)*

## REITUR 28 – TOLLSKRÁRNÚMER

Þegar óskað er eftir tollafreiðslu með einfaldaðri tollskýrslu á eyðublaði E-1.3 skal tilgreina hér sérstakt tollnúmer, ÁTTA TÖLUSTAFA, sem varan eða vörusendingin skal flokkuð undir samkvæmt fylgiskjali I við þessar leiðbeiningar.

Með því að flokka vöru undir eitthvert þeirra tollnúmera, sem talin eru upp í fylgiskjali I, er innflytjandi að óska eftir undanþágu frá greiðslu aðflutningsgalda af vörunni og lýsa því yfir að uppfyllt séu ákvæði laga og reglna sem gilda um undanþágu frá greiðslu aðflutningsgalda samkvæmt þeim heimildum sem texti tollnúmersins vísar til svo og þeim reglum og öðrum fyrirmælum sem um þær lagaheimildir gilda. Jafnframt er innflytjandi að lýsa því yfir að hann skuldbindi sig til að hlíta öllum þeim fyrirmælum, skilyrðum og takmörkunum um undanþágu gjaldanna og ráðstöfun vörunnar sem lög og önnur fyrirmæli kveða á um.

*Gerð svæðis: (a8)  
SAD (33)*

## REITUR 29 – VÖRUTEGUND

Færið hér inn vörulýsingu sem tekur til eins tollnúmers, sem varan fellur undir samkvæmt lýsingu tollnúmera í fylgiskjali I, svo skýrt fram setta að vöruna megi þekkja og flokka.

Ef um endursendar tómar umbúðir (t.d. gáma) er að ræða skal færa hér inn upphaflegt sendingarnúmer sem tilgreint var í útflutningstollskýrslu við tollafreiðslu þeirra (tollnúmer 9803.1000).

Ef um innflutning á skráningarskyldu ökutæki er að ræða sem flutt var tímabundið úr landi skal færa hér inn skráningarnúmer ökutækisins (tollnúmer 9803.4000).

Ef um er að ræða tollafreidda vöru í innflutningi sem sett hefur verið á farmskrá („*Memo-farmskrá*“) en verður eftir og kemur með öðru flutningsfari í nýju farmskárnuméri (tollnúmer 9808.0000) skal færa hér inn upphaflegt sendingarnúmer.

Ef um tollafreiddar vörur er að ræða sem voru ranglega lestaðar og fluttar úr landi (tollnúmer 9808.0000) skal færa hér inn upphaflegt sendingarnúmer.

Ef um umflutningsvöru (tollnúmer 9815) er að ræða skal tilgreina hér orðið „Umflutningsvara“ og sendingarnúmer vörusendingar í innflutningsfar.

*Gerð svæðis: (a..30)  
SAD (31)*

## REITUR 31 – NETTÓVIGT

Færið hér inn nettóvigt í heilum kílógrömmum. Liggi upplýsingar um nettóvigt ekki fyrir frá sendanda má áætla hana. Nái þyngd ekki hálfu kílógrammi skal rita **0**.

*Gerð svæðis:  
Nettóvigt(n..9)  
Þyngd umbúða (n..9,2)  
Lítratala (n..9,2)  
SAD (38)*

## Fylgiskjal I - Einfölduð tollskýrsla E-1.3

### Sérstök tollnúmer fyrir tollfrjálsar sendingar

Þegar óskað er eftir tollafgreiðslu vörusendingar með einfaldaðri tollskýrslu, skal tilgreina í reit 28 á eyðublaði E-1.3 eitt eða fleiri þeirra tollnúmera sem tilgreind eru hér á eftir, enda svari varan til vörulýsingar viðkomandi tollnúmers og uppfylli að öðru leyti skilmála tilvitnaðra lagákvæða og reglna og annarra fyrirmæla settra samkvæmt þeim, sbr. m.a. reglugerð nr. [630/2008](#), um ýmis tollfríðindi og reglugerð nr. [634/2008](#) um breytingu á henni.

#### Tollfrjálsar sendingar samkvæmt sérstökum undanþáguákvæðum

	A %	A1 kr/kg	E %
--	--------	-------------	--------

#### 9802                   Búslóð og farangur:

9802.1000 - Búslóð manna sem flytjast búferlum hingað til lands, enda hafi viðkomandi haft fasta búsetu erlendis í a.m.k. eitt ár áður en hann fluttist til landsins, sbr. 4. tl. 1. mgr. 6. gr. tollalaga og 14. til 16. gr. reglugerðar nr.[630/2008](#)..... 0

*Takmörkun:* Vélknuin ökutæki, svo sem bifreiðar, bifhjól, beltabifhjól, vélbátar, flugvélar og farartæki eins og seglbátar, svifflugur, svifdrekar o.þ.h. teljast ekki til búslóðar (sjá tollnúmer 9803.4000)

*Staðfestingargögn:* Auk farmbréfs/flutningsgjaldsreiknings skal fylgja [yfirlýsing vegna innflutnings á búslóð](#) og vörureikningur/ar yfir heimilismuni sem viðkomandi hefur átt í skemmri tíma en eitt ár.

9802.2000 - Venjulegur farangur ferðamanna sem orðið hefur viðskila við ferðamann svo og fatnaður og aðrar ferðanauðsynjar manna sem lárist hafa erlendis, sbr. a-lið 2. tl. og 3. tl. 1. mgr. 6. gr. tollalaga og d-lið 47. gr. reglugerðar nr. [1100/2006](#)..... 0

*Staðfestingargögn:* [Farangursyfirlýsing](#) skal fylgja.

#### 9803                   Endursendar umbúðir og vörur:

9803.1000 - Endursendar tómar umbúðir (gámar o.þ.h.), enda séu færðar fullnægjandi sönnur fyrir því að um sé að ræða umbúðir utan af vörum útflutnum héðan, sbr. 7. tl. 1. mgr. 6. gr. tollalaga og 1. tl. 10. gr. og 54. gr. reglugerðar nr. [630/2008](#)..... 0

9803.2000 - Vörur sem endursendar eru hingað frá útlöndum, vegna þess að þær seldust ekki þar eða endursendar eru hingað frá útlöndum af öðrum orsökum og færðar séu fullnægjandi sönnur fyrir því að um sé að ræða vörur útflutnar héðan, sbr. 6. tl. 1. mgr. 6. gr. tollalaga og 54. gr. reglugerðar nr. [630/2008](#)..... 0

*Staðfesting:* Tilgreina skal í reit 29 í tollskýrslu sendingarnúmer sem tilgreint var í útflutningstoll-skýrslu við útflutning þeirra.

9803.3000 Endursendar vörur sem voru ranglega lestaðar og fluttar til landsins, sbr. 6. tl. 1. mgr. 6. gr. tollalaga og 54. gr. reglugerðar nr. [630/2008](#).....0

*Staðfesting:* Tilgreina skal í reit 29 í tollskýrslu sendingarnúmer sem tilgreint verður í útflutningstollskýrslu við útflutning þeirra.

9803.4000 - Bifreiðar á íslenskum skrásetningarnúmerum sem viðkomandi hefur tekið með sér úr landi og er að flytja aftur til landsins, sbr. 6. tl. 6. gr. tollalaga og 54. gr.  
Reglugerðar nr .....0

*Staðfesting:* Færa skal í reit 29 skráningarnúmer ökutækisins.

*Staðfestingargögn:*  
Ef farangur er í bifreiðinni þarf að fylla út [farangursyfirlýsingu](#) og nota jafnframt tollskrárnúmer 9802.2000

*Skilyrði:* Við tollafreiðslu skal liggja fyrir skráningarskírteini ökutækis.

9803.5000 - Vörur á íslensku ATA carnet skírteini, sem eru að koma aftur til landsins .....0

*Staðfesting:* Tilgreina skal í reit 29 í tollskýrslu nr. ATA skírteinis.

9803.6000 - Vörur á erlendu ATA carnet skírteinum sem verið er að flytja úr landi eftirtímabundinn innflutning .....0

*Staðfestingargögn:* Tilgreina skal nr. ATA skírteinis í reit 29 í tollskýrslu, skatturinn þarf að vera búin að staðfesta útflutning í skírteini og varan komin á útflutningsfarmskrá og vara tollafreidd í útflutningi.

9803.7000 - Dýraafurðir sem endursendar eru hingað frá útlöndum, vegna þess að þær soldust ekki þar eða endursendar eru hingað frá útlöndum af öðrum orsökum og færðar séu fullnægjandi sönnur fyrir því að um sé að ræða vörur útfluttar héðan, sbr. 6. tl. 1. mgr. 6. gr. tollalaga og 54. gr. reglugerðar nr. 630/2008. Endurinnflutningur á dýraafurðum sem voru flutt út fyrir EES-svæðið er háður leyfi Matvælastofnunar.....0

*Staðfestingargögn:* Tilgreina skal í reit 29 í tollskýrslu eða reit 31 í SAD skýrslu sendingarnúmer sem tilgreint var í útflutningstollskýrslu við útflutning þeirra.

#### 9804 Gjafir:

9804.1000 Gjafir sem aðilar búsettir erlendis senda hingað til lands eða hafa með sér frá útlöndum af sérstöku tilefni, þó ekki í atvinnuskyni, enda sé verðmæti gjafarinnar ekki meira en 13.500 kr., sbr. 32. gr. reglugerðar nr. [630/2008](#) .....0

*Staðfestingargögn:* Vörureikningur eða önnur gögn liggi fyrir til staðfestingar að um gjöf sé að ræða og að verðmæti hennar sé 13.500 kr. eða minna.

9804.2000 Brúðkaupsgjafir, enda sé um eðlilega og hæfilega gjöf að ræða að mati skattsins, sbr. og 32. gr. Reglugerðar nr. [630/2008](#) .....0

*Staðfestingargögn* er sýni fram á að um brúðargjöf sé að ræða.

9804.3000 Gjafir til mannúðar- og líknarstarfsemi, enda sé um að ræða vöru sem nýtt er beint til viðkomandi starfsemi, svo og gjafir sem sendar eru hingað frá útlöndum og góðgerðarstofnanir eða aðrir slíkir aðilar eiga að annast dreifingu á til bágstaddra, sbr. b-lið 8. tl. 1. mbr. 6. gr. tollalaga og 33. gr. reglugerðarnr. [630/2008](#) ..... 0

*Staðfestingargögn:* Gjafabréf og staðfesting gjafþega um að hann veiti gjöfinni viðtöku.

9804.4000 Gjafir sem ríki, sveitarfélögum eða stofnunum á vegum hins opinbera eru gefnar erlendis frá í vináttuskyni eða á grundvelli menningartengsla við erlend ríki, sbr. c-lið 8. tl. 1. mgr. 6. gr. tollalaga og 34. gr. reglugerðar nr. [630/2008](#)..... 0

*Staðfestingargögn:* Gjafabréf og staðfesting gjafþega um að hann veiti gjöfinni viðtöku.

**9805** 9805.0000 Notaðir munir sem hafa fallið í arf erlendis, þó ekki ökutæki eða önnur vélknúin farartæki, sbr. 10. tl. 1. mgr. 6. gr. tollalaga og 36. gr. reglugerðar nr. [630/2008](#)..... 0

*Skilyrði:* Arfþegi geti sýnt með fullnægjandi hætti fram á að honum hafi tæmst arfur erlendis, t.d. með framlagningu vottorðs skiptaráðanda.

**9806 Vörur vegna markaðssetningar og vörupróunar:**

9806.1000 Sýnishorn verslunarvara og auglýsingaefnis, enda sé verðmæti sendingar óverulegt, svo og sýnishorn verslunarvara sem gerð hafa verið ónothæf sem almenn verslunarvara, sbr. a-lið 11. tl. 1. mgr. 6. gr. tollalaga nr. 88/2005 og 41. gr. reglugerðarnr. [630/2008](#)..... 0

9806.2000 Hugbúnaðargögn sem send eru án endurgjalds og ætluð eru til þróunar eða hönnunar hugbúnaðar, prófunar, leiðréttigar eða uppfærslu eða eru eingöngu nothæf til kynningar, sbr. b-lið 11. tl. 1. mgr. 6. gr. tollalaga og 41. gr. reglugerðarnr. [630/2008](#) ..... 0

9806.3000 Verðlaus bréf, bæklingar og prentuð gögn sem ekki hafa neitt viðskiptalegt gildi og ekki eru fallin til endurdreifingar, sbr. c-lið 11. tl. 1. mgr. 6. gr. Tollalaga og 41. gr. reglugerðarnr. [630/2008](#)..... 0

**9807** 9807.0000 Heiðursmerki veitt af erlendum ríkjum, svo og verðlaun fyrir íþróttAAFREK OG ÖNNUR AFREK SEM UNNIN eru erlendis, sbr. 5. tl. 1. mgr. 6. gr. tollalaga og 38. gr. reglugerðar nr. [630/2008](#)..... 0

**9808** 9808.0000 Vörur á farmskrá sem koma ekki með flutningsfari en aðflutningsgjöld hafa verið greidd af ..... 0

*Skilyrði:* Fyrir liggi afhendingarheimild skattins á vörusendingu sem ekki barst til landsins en tollafgreidd var samkvæmt tilteknum sendingarnúmeri. Færa skal þetta sendingarnúmer í reit 29.

**9809** 9809.0000 Vörur til sendiráða, sendiræðismannsskrifstofa, sendireindreka og sendiræðismanna erlendra ríkja eins og kveðið er á um í Vínarsamningnum um stjórnmálasamband, sbr. 1. tl. 1. mgr. 4. gr. tollalaga nr. 88/2005 og lög nr. 16/1971, um aðild Íslands að alþjóðasamningi um stjórnmálasamband og 40. gr. reglugerðar nr. [630/2008](#)..... 0

*Skilyrði:* Ef um almenna verslunarvöru er að ræða þarf að liggja fyrir staðfesting sendiráðs eða sendiræðismannsskrifstofu á að varan sé ætluð viðkomandi sendiráði, sendiræðismannsskrifstofu, sendierindreka eða sendiræðismanni. Ef í sendingu er áfengi eða tóbak skal liggja fyrir staðfesting utanríkisráðuneytisins.

**9810 9810.0000 Vörur til kjörræðismanna erlendra ríkja að því er varðar tilteknar skrifstofuvörur eins og kveðið er á um í Vínarsamningi um ræðissamband, sbr. 2. tl. 4. gr. tollalaga nr. 88/2005 og lög nr. 4/1978, um aðild Íslands að alþjóðasamningi um ræðissamband og 30. gr. reglugerðar nr. [630/2008](#).....0**

**9811 9811.0000 Póstpokar o.þ.h. með póstsendingum í, sem aðilar með leyfi til póstflutninga samkvæmt lögum nr. 19/2002 um pósthjónustu fá sendar .....0**

**9814 9814.0000 Kistur og duftker með jarðneskum leifum manna sem láttist hafa erlendis.....0**

**9815 Vörur sem koma til landsins í umflutningi, sbr. c. lið.**  
**1. tölul. 6. gr. tollalaga nr. 88/2005 og VI. kafla reglugerðar nr. 1100/2006 um vörslu og tollmeðferð vörur:**

9815.1000	Vörur sem koma til landsins í umflutningi .....	0
9815.2000	Leyfisskyldar vörur skv. lögum nr. 58/2010 um vörur sem nota má bæði í borgaralegum og hernaðarlegum tilgangi.....	0
9815.3000	Vörur sem innihalda dýrafurðir upprunnar innan EES svæðisins.....	0
9815.4000	Vörur sem innihalda dýrafurðir upprunnar utan EES svæðisins.....	0
9815.5000	Innlendar vörur sem settar eru tímabundið í land í Færejum vegna siglingaáætlunar og koma svo aftur til Íslands.....	0

*Staðfesting:* Tilgreina skal í reit 29 í tollskýrslu sendingarnúmer sem tilgreint er í farmskrá útflutningsfarsins.

9815.6000 Vörur sem fluttar eru um borð í erlent herskip eða herflugvél sem uppfyllir skilyrði 68 gr. tollalaga nr 88/2005 .....

**9816 Ökutæki á erlendum skráningarnúmerum, sem uppfylla skilyrði tollfríðinda 18. gr., 20. gr., 21. gr. reglugerðar, nr. [630/2008](#) um ýmis tollfríðindi og varahlutir skv. 22. gr. reglugerðarinnar:**

9816.1000 Ökutæki á erlendum skráningarnúmerum skv. 18. gr.  
Reglugerðar nr. 630/2008.....0

*Skilyrði:*

Skrá skal skráningarnúmer ökutækis í reit 29 á aðflutningsskýrslu.

*Staðfestingargögn:*

Ef farangur er í ökutækinu þarf að fylla út [farangursyfirlýsingu](#) og nota jafnframt tollskrárnúmer 9802.2000

9816.2000 – Varahlutir í ökutæki skv. 22. gr. reglugerðar nr. 630/2008...0

9816.3000 – Hópbifreið á erlendum skráningarnúmerum til nota fyrir Tiltekinn hóp erlendra ferðamanna, enda verður hún flutt úr landi á ný við brottför viðkomandi ferðamannahóps skv. 20. gr. reglugerðar 630/2008 .....0

*Skilyrði:*

Skrá skal skráningarnúmer ökutækis í reit 29 á aðflutningsskýrslu.

9816.4000 – Eftirvagnar skráðir erlendis sem notaðir eru til flutnings vara til og frá landinu skv. 21. gr. reglugerðar 630/2008..... 0

**9817 9817.0000 Flugvélahlutir .....** 0

*Skilyrði:*

Um sé að ræða hluti í umflutningi í flugvélar með erlenda skráningu sem hafa viðvöl hér á landi sbr. 1. tölulið 6. gr. tollalaga nr. 88/2005 og VI. kafla reglugerðar nr. 1100/2006 um vörlu og tollmeðferð vöru. Sjá 24. gr. Chicago-samningsins frá 1944 sbr. auglýsingur nr. 45/1947 í A-deild stjórnartíðinda.

**9818 Vörur sem uppfylla skilyrði 3. tl. 1. mgr. 4. gr. tollalaga, nr. 88/2005 um tollfrelsi og fluttar eru inn tímabundið vegna veru liðsveita Atlantshafsbandalags hér á landi**

9818.1000	Ökutæki á erlendum skráningarnúmerum.....	0
9818.2000	Hernaðartengdar vörur á vottorði 302 .....	0
9818.9000	Aðrar vörur .....	0

*Skilyrði:*

Eingöngu vörur sem eru fluttar til landsins tímabundið, t.d. vegna loftrýmisgæslu eða hernaðaraefinga.

**9819 Vörur sem sendar eru hingað til lands tímabundið á vegum erlendra stjórnvalda, hjálparsamtaka eða björgunarsveita vegna náttúruhamfara hér á landi, neyðarástands eða mengunarslyss, sbr. b-c. lið 8. tl. 1. mgr. 6. gr., b. lið 1. tl. og 17. tl. 1. mgr. 7. gr**

9819.0010	Búnaður björgunarsveita til leitar í rústum eða til að bjarga verðmætum .....	0
9819.0020	Matvæli og drykkir til að dreifa meðal bágstaddra .....	0
9819.0030	Lyf, lækningatæki og aðrar lækningavörur.....	0
9819.0040	Aðrar neyðarbirgðir sem dreifa á meðal bágstaddra, s.s. tjöld, svefnþokar, teppi og fatnaður .....	0
9819.0050	Ökutæki og önnur farartæki, þ.m.t drónar .....	0
9819.0060	Mengunarvarnarbúnaður.....	0
9819.0070	Vatnshreinsibúnaður og varaaflsstöðvar.....	0
9819.0080	Annar búnaður .....	0